



24 MAY, 2020

Harga maksimum 9 jenis barang ditetapkan

Mingguan Sarawak, Malaysia

Page 1 of 2

Harga maksimum 9 jenis barang ditetapkan

SARIKEI: Sebanyak sembilan jenis barang telah ditentukan harga maksimum bagi pelaksanaan Skim Harga Maksimum Musim Perayaan (SHMMP) Hari Raya Puasa dan 11 jenis barang ditetapkan bagi SHMMP Hari Gawai.

Ketua Kementerian Perdagangan Dalam Negeri Dan Hal Ehwal Pengguna (KPDNHEP) Sarikei berkata, tarikh kuat kuasa skim ini adalah daripada 20 Mei hingga 3 Jun depan iaitu selama 15 hari.

"Manakala, bagi Hari Gawai akan disambut di Sarawak pada 1 Jun depan.

"Sehubungan itu, SHMMP Hari Gawai akan bermula daripada 28 Mei hingga 3 Jun depan iaitu selama tujuh hari.

"Tempoh keseluruhan pelaksanaan skim dua perayaan ini ialah selama 15 hari," katanya dalam satu kenyataan media.

Tambahnya, senarai barang harga terkawal bagi SHMMP Hari Raya Puasa bagi Sarawak adalah ayam hidup; ayam standard (disembelih dan dibersihkan berserta kaki, kepala, hati dan hempedal atau mana-mana bahagiannya); ayam super (disembelih dan dibersihkan tanpa kaki, kepala, hati dan hempedal); ayam tua hidup; kepak ayam; telur ayam gred C (berat antara 55.0 gram hingga 59.9 gram sebijinya); kelapa biji (pemborong) dan kelapa parut (peruncit).

ayam gred C (berat antara 55.0 gram hingga 59.9 gram sebijinya); kelapa biji (pemborong) dan kelapa parut (peruncit).

"Manakala, senarai barang harga terkawal bagi SHMMP Hari Gawai adalah ayam hidup; ayam standard (disembelih dan dibersihkan berserta kaki, kepala, hati dan hempedal atau mana-mana bahagiannya); ayam super (disembelih dan dibersihkan tanpa kaki, kepala, hati dan hempedal); ayam tua hidup; kepak ayam; telur ayam gred A (berat antara 65 gram hingga 69.9 gram sebijinya); telur ayam gred B (berat antara 60 gram hingga 64.9 gram sebijinya); telur ayam gred C (berat antara 55 gram hingga 59.9 gram sebijinya); daging babi (perut); daging babi (daging dan lemak) dan babi hidup (pengeluar).

"Bagi membendung kenaikan harga yang tidak munasabah oleh peniaga yang tidak bertanggungjawab, tindakan pengeluaran notis di bawah seksyen 21, Akta Kawalan Harga dan Antipencatutan 2011 akan dilaksanakan ke atas mana-mana pihak yang didapati menaikkan harga barang bagi mengaut keuntungan yang tidak munasabah," ujarnya.

Tegas beliau, tindakan tegas akan diambil terhadap peniaga yang gagal mematuhi peraturan-peraturan skim ini di bawah

Akta Kawalan Harga dan Antipencatutan 2011 dan boleh dikenakan penalti.

"Peniaga yang gagal mematuhi skim ini akan dikenakan penalti kesalahan menjual barang harga terkawal melebihi harga maksimum, bagi Individu; boleh didenda oleh mahkamah sehingga RM100,000 atau dipenjarakan tidak melebihi tiga tahun atau kedua-duanya atau dikompaun sehingga RM50,000; dan bagi syarikat; boleh didenda sehingga RM500,000 atau dikompaun sehingga RM250,000.

"Bagi kesalahan gagal meletakkan tanda harga berwarna merah jambu bagi barang harga terkawal, individu; boleh didenda oleh mahkamah sehingga RM10,000 atau dikompaun sehingga RM5,000; dan syarikat; boleh didenda sehingga RM20,000 atau dikompaun sehingga RM10,000.

"Pegawai penguatkuasa KPDNHEP akan berada di lokasi yang menjadi tumpuan orang ramai membeli-belah seperti pasar awam, pasar tani dan pasar raya untuk menjalankan pemeriksaan dan pemantauan," jelasnya.

Katanya, langkah-langkah ini mencerminkan usaha berterusan bagi melindungi pengguna daripada aktiviti pengambilan keuntungan yang berlebihan oleh peniaga-peniaga yang tidak beretika semasa musim perayaan.



24 MAY, 2020

Harga maksimum 9 jenis barang ditetapkan

Mingguan Sarawak, Malaysia

Page 2 of 2

SUMMARIES

SARIKEI: Sebanyak sembilan jenis barang telah ditentukan harga maksimum bagi pelaksanaan Skim Harga Maksimum Musim Perayaan (SHMMP) Hari Raya Puasa dan 11 jenis barang ditetapkan bagi SHMMP Hari Gawai. Ketua Kementerian Perdagangan Dalam Negeri Dan Hal Ehwal Pengguna (KPDNHEP) Sarakei berkata, tarikh kuat kuasa skim ini adalah daripada 20 Mei hingga 3 Jun depan iaitu selama 15 hari."Manakala, bagi Hari Gawai akan disambut di Sarawak pada 1 Jun depan.